

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-564/13
Sarajevo, 20.05.2013. godine

Z A P I S N I K
15. VANREDNE SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 16. maja 2013. godine

Sjednica je počela u 16.22. nakon prekida 14. sjednice.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na osnovu evidencije Stručne službe, predsjedavajući je konstatovao da sjednici prisustvuje 36 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da je zakazivanje vanredne sjednice na prijedlog 2/3 članova Kluba delegata hrvatskog naroda i Kluba delegata srpskog naroda prihvaćeno na nastavku 14. sjednice.

Nakon toga je predsjedavajući, na osnovu rezultata glasanja, konstatovao da je Dom naroda Parlamenta Federacije BiH, sa 34 glasa za, uz dva glasa protiv i uz šest uzdržanih glasova, usvojio sljedeći:

D N E V N I R E D

1. Funkcioniranje izvršne vlasti Federacije BiH sa posebnim osvrtom na funkciju predsjednika Federacije BiH.

Predstavnički dom Parlamenta Federacije BiH je na nastavku 17. sjednice, održane 8. maja 2013. godine, razmatrao tačku - Funkcioniranje izvršne vlasti Federacije BiH sa posebnim osvrtom na funkciju predsjednika Federacije BiH - i tom prilikom usvojio zaključke, te imenovao članove Komisije za praćenje aktivnosti vezano uz predsjednika Federacije BiH.

Izvještaj Komisije za ustavna pitanja obrazložio je Zoran Jovanović, predsjednik Komisije. Komisija za ustavna pitanja predložila je Domu naroda sljedeće:

Z A K L J U Č K E

1. Komisija za ustavna pitanja Doma naroda Parlamenta Federacije BiH konstatovala je da predsjednik Federacije BiH gospodin Živko Budimir nije u mogućnosti izvršavati svoja ovlaštenja predviđena Ustavom Federacije BiH zbog trenutnog položaja u kojem se nalazi što je dodatno produbilo krizu i dovelo do krize u funkcioniranju izvršne i zakonodavne vlasti u Federaciji BiH.

2. Poštujući principe iz Ustava Federacije BiH, te principe demokratičnosti odgovornog odnosa prema javnim dužnostima pozivamo gospodina Živka Budimira da podnese ostavku na funkciju predsjednika Federacije BiH.

Nakon toga predsjedavajući je, na prijedlog Amira Zukića, dao pauzu sat vremena kako bi se Klub delegata bošnjačkog naroda izjasnio o izvještaju Komisije za ustavna pitanja.

Nakon pauze, Amir Zukić je obrazlažući stav Kluba delegata bošnjačkog naroda predložio da prvi zaključak Komisije za ustavna pitanja glasi:

"Komisija za ustavna pitanja Doma naroda Parlamenta Federacije BiH konstatovala je da predsjednik Federacije BiH gospodin Živko Budimir nije u mogućnosti izvršavati svoja ovlaštenja predviđena Ustavom Federacije BiH zbog trenutnog položaja u kojem se nalazi što je dodatno produbilo krizu funkcioniranja izvršne i zakonodavne vlasti u Federaciji BiH."

Klub delegata bošnjačkog naroda nije imao primjedbi na drugi zaključak Komisije za ustavna pitanja.

Amir Zukić je, u ime Kluba delegata bošnjačkog naroda, predložio i treći zaključak koji glasi:

"Poziva se Visoki predstavnik da preuzme dio nadležnosti predsjednika Federacije BiH dok je ovaj onemogućen u vršenju svoje funkcije. Pozivaju se ostali segmenti vlasti u Federaciji, Vlada Federacije i Parlament Federacije da rade u punom kapacitetu u skladu sa Ustavom i zakonima."

U raspravi su učestvovali: Aner Žuljević, Damir Čardžić, Vesna Saradžić, Jasenko Tufekčić, Mira Ljubijankić, predsjednica Kluba delegata srpskog naroda, Zijat Mušić, Amir Zukić, Josip Perić, Ivo Tadić, Dževad Rađo, Sretko Radišić, Zoran Jovanović, Ivan Brigić, Adnan Jupić, Karolina Pavlović, Hajrudin Bećirović, Nikola Simić, Branislav Crnogorac, Mirko Batinić, Predrag Kojović i Mirjana Malić.

Poslije rasprave predsjedavajući je podsjetio delegate da su zaključke predložili Ivo Tadić, Klub delegata bošnjačkog naroda i Komisija za ustavna pitanja, te je pozvao predlagачe zaključaka da sa članovima Kolegija usaglase podnesene zaključke.

Nakon toga predsjedavajući je izjavio da su se članovi Kolegija sa predlagачima usaglasili u vezi sa dva zaključka koje je dao na glasanje.

Prvi zaključak glasi: "Komisija za ustavna pitanja Doma naroda Parlamenta Federacije BiH konstatovala je da predsjednik Federacije BiH gospodin Živko Budimir nije u mogućnosti izvršavati svoja ovlaštenja predviđena Ustavom Federacije BiH zbog trenutnog položaja u kojem se nalazi što je dodatno produbilo krizu, te dovelo do krize u funkcioniranju izvršne i zakonodavne vlasti u Federaciji BiH."

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 37 glasova za, uz jedan glas protiv i uz tri uzdržana glasa, usvojio prvi zaključak.

Drugi zaključak glasi: "Kako se prema Ustavu Federacije BiH ne može naći efikasno rješenje u novonastaloj političkoj situaciji, Dom naroda Parlamenta Federacije BiH poziva Visokog predstavnika Međunarodne zajednice za Bosnu i Hercegovinu da, koristeći svoja ovlaštenja, pomogne u traženju rješenja za prevazilaženje krize u izvršnoj vlasti Federacije BiH."

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 30 glasova za, uz tri glasa protiv i uz 10 uzdržanih glasova, usvojio drugi zaključak.

Nakon toga predsjedavajući je dao na glasanje zaključak koji je predložio Klub delegata bošnjačkog naroda u vezi sa kojim se članovi Kolegija nisu mogli usaglasiti.

Zaključak glasi: "Pozivaju se ostali segmenti vlasti u Federaciji BiH, Vlada Federacije BiH i Parlament Federacije BiH da rade u punom kapacitetu u skladu sa Ustavom Federacije BiH i zakonima."

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH nije usvojio navedeni zaključak jer je za glasalo 15 delegata, 10 delegata je bilo protiv a 14 delegata je bilo uzdržano.

Zatim je predsjedavajući dao na glasanje zaključak koji je predložila Komisija za ustavna pitanja a koji, također, nije usaglašen.

Zaključak glasi: "Poštujući principe iz Ustava Federacije BiH, te principe demokratičnosti odgovornog odnosa prema javnim dužnostima pozivamo gospodina Živka Budimira da podnese ostavku na funkciju predsjednika Federacije BiH."

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 30 glasova za, uz sedam glasova protiv i uz pet uzdržanih glasova, usvojio zaključak Komisije za ustavna pitanja.

Sumnju u rezultate glasanja izrazio je Amir Zukić, predsjednik Kluba delegata bošnjačkog naroda, te je sekretar Doma naroda Izmir Hadživdić obavio piomenično izjašnjanje.

Na osnovu rezultata poimeničnog izjašnjanja, predsjedavajući je konstatovao da je Dom naroda Parlamenta Federacije BiH, sa 32 glasa za, uz pet glasova protiv i uz osam uzdržanih glasova, usvojio zaključak Komisije za ustavna pitanja.

Sjednica je završena u 19.43.

* * *

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Radoje Vidović